

樂府詩集

二十一



樂府詩集卷第八十四

太原郭

茂倩

編次



雜歌謠辭

歌辭

戚夫人歌

漢書外戚傳曰高祖得定陶戚姬愛幸生趙隱王如意惠帝立呂后為皇太后廼今永巷囚戚夫人髡鉗衣赭衣今春戚夫人春且歌太后聞之大怒曰乃欲倚子邪召趙王殺之戚夫人遂有人彘之禍

予為王母為虜終日春薄暮常與死為伍相離三千里當誰使告汝

畫一歌

樂府詩集八十四

漢書曰惠帝時曹參代蕭何為相國初高帝與何定天下法令既明具及參守職舉事無所變更一遵何之約束於是百姓歌之

蕭何為法講若畫一曹參代之守而勿失載其清靜民以寧壹

趙幽王歌

漢書曰趙幽王友高帝之子孝惠時友以諸呂女為后不愛愛它姬諸呂女讒之於太后太后怒召趙王置邸令衛圍守之趙王餓乃作歌遂

幽死

諸呂用事兮劉氏微迫脅王侯兮疆授我妃我妃既妬兮誣我以惡讒女亂國兮上曾不寤我無忠臣兮何故棄國自快中野兮蒼天與直于嗟不可悔兮寧早自賊為王餓死兮誰者憐之呂氏絕理兮託天報仇

淮南王歌

漢書曰淮南厲王長高帝少子也長廢法不軌文帝不忍置於法迺載以輜車處蜀嚴道邛郵遣其子子母從居長不食而死後民有作歌歌淮南王帝聞之迺追尊淮南王為厲王置園如諸侯儀

尺布尚可縫一斗粟尚可舂兄弟二人不相容

京兆歌

齊陸厥

通典曰京兆馮翊扶風皆古雍州之域秦始皇以為內史漢景帝二年分置左右內史武帝改左內史為左馮翊右內史為右扶風後與京兆號三輔故趙廣漢云亂吾治者常二輔是也

兔園夾池水脩竹復檀欒不如黃山苑儲胥與露寒遲迤傍

齊詩卷八十四

去聲常

無界岑崆鬱上干上干入翠微下趾連長薄芳露浸紫莖秋風搖素萼鴈起宵未央雲間月將落照梁桂兮影徘徊承露盤兮光照灼壽陵之街走狐兔金厄王靈會銷鑠願奉蒲萄花為君實羽爵

左馮翊歌

陸歌

上林涵紫泉離宮赫千戶飛鳴亂鳧鴈參差雜蘭杜比翼獨未羣連葉誰為伍一物或難致無云泣易覩

扶風歌九首

晉劉琨

朝發廣莫門暮宿丹水山左手彎繁弱右手揮龍淵顧瞻望宮闕俯仰御飛軒據鞍長歎息淚下如流泉繫馬長松下發鞍高嶽頭列列悲風起泠泠澗水流揮手長相謝哽咽不能言浮雲為我結飛鳥為我旋去家日已遠安知存與亡慷慨窮林中抱膝獨摧藏

麋鹿遊我前，猴猿戲我側。資糧既乏盡，薇蕨安可食。  
攬轡命徒侶，吟嘯絕巖中。君子道微矣，夫子故有窮。  
惟昔李愆期，寄在匈奴庭。忠信反獲罪，漢武不見明。  
我欲貢此曲，此曲悲且長。棄置勿重陳，重陳令心傷。

同前

宋鮑照

昨辭金華殿，今次鴈門縣。寢卧握秦戈，棲息抱越箭。忍悲別  
親，知行泣隨征。傳寒煙空徘徊，朝日乍舒卷。

秋風辭

漢武帝

漢武帝故事曰：帝行幸河東祠后土，顧視帝京，  
忻然中流，與羣臣飲，讌帝歡甚，乃自作秋風辭。  
秋風起兮白雲飛，草木黃落兮鴈南歸。蘭有秀兮菊有芳，懷  
佳人兮不能忘。汎樓船兮濟汾河，橫中流兮揚素波。簫鼓鳴  
兮發擢歌，懽樂極兮哀情多少。壯幾時兮柰老何。

樂府詩集八十四

三

卷七

衛皇后歌

漢書曰：衛子夫為皇后，弟青貴震天下。天下歌  
之，按外戚傳：衛子夫為平陽主，謳者武帝被霸  
上，還過平陽，主既飲，謳者進，帝獨說子夫，帝起  
更衣，子夫侍尚衣軒中，得幸。平陽主因奏子夫  
送入宮，是為衛皇后。

生男無喜，生女無怒，獨不見衛子夫霸天下。

李延年歌

漢書外戚傳曰：李延年性知音，善歌舞，武帝愛  
之，嘗侍上起舞，而歌延年後為協律都尉。

北方有佳人，絕世而獨立。一顧傾人城，再顧傾人國。寧不知  
傾城與傾國，佳人難再得。

李夫人歌

漢書外戚傳曰孝武李夫人本以倡進初武帝  
愛其兄延年平陽主因言延年有女弟帝乃召  
見之實妙麗善舞由是得幸夫人少而蚤卒帝  
思念不已方士齊人少翁言能致其神迺夜張  
燈燭設帷帳陳酒肉而令帝居他帳遙望見好  
女如李夫人之貌還幄坐而步又不得就視帝  
愈益相思悲感爲作詩令樂府諸音家弦歌之  
是邪非邪立而望之偏何姍姍其來遲

同前三首

唐李商隱

一帶不結心兩股方安髻慙愧白茅人月沒教星替  
刺結茱萸枝多擘秋蓮的獨自有波光綵囊盛不得

蠻絲繫條脫

和香肩壽宮不惜鑄南人柔腸早被秋波

割清澄有餘幽素香鱗魚渴鳳真珠房不知瘦骨類冰井更

樂府詩集八十四

四

金瓶梅

許夜簾通曉霜土花漠碧雲忙忙黃河欲盡天蒼黃

同前

唐李賀

紫皇宮殿重重開夫人飛入瓊瑤臺綠香繡帳何時歇青雲  
無光宮水咽翩聯桂花墜秋月孤鸞驚啼商絲發紅壁闌珊  
懸佩璫歌臺小妓遙相望玉蟾滴水雞人唱露華蘭葉參差光

同前

唐鮑溶

璿闈羽帳華燭陳方士夜降夫人神葳蕤半露芙蓉色窈窕  
將期環佩身麗如三五月可望難親近頻黛含犀音不言春  
思秋怨誰能問欲求巧笑如生時歌塵在空瑟銜絲神來未  
及夢相見帝比初二心更悲愛之欲其生又死東流萬代無  
回水宮漏丁丁夜向晨煙消霧散愁方士

同前

唐張祜

延年不語望三星莫說夫人上涕零爭奈世間惆悵在甘泉

宮夜看圖形

李夫人及貴人歌

陸厥

屬車桂席塵豹尾香煙滅彤殿向靡蕪青蒲復萎絕坐萎絕  
對靡蕪臨丹階泣椒塗寡鶴羈雌飛且止雕梁翠壁網蜘蛛  
洞房明月夜對此淚如珠

未央才人歌

梁庾肩吾

從來守未央轉欲訝春芳朝風凌日色夜月奪燈光相逢儻  
遊豫暫為卷衣裳

中山孺子妾歌二首

陸厥

漢書曰詔賜中山靖王子會及孺子妾冰未央才  
人歌詩四篇如淳曰孺子幼少稱孺子妾宮人  
也顏師古曰孺子王妾之有品號者妾王之衆  
妾也冰其名才人天子內官按此謂以歌詩賜

樂府詩集八十四

五

大明

中山王及孺子妾未央才人等爾累言之故云  
及也而陸厥作歌乃謂之中山孺子妾失之遠  
矣藝文志又曰臨江王及愁思節士歌詩四篇  
李夫人及幸貴人歌詩三篇亦皆累辭也

未央才人中山孺子一笑傾城一顧傾市傾城不自美傾市  
復為容願把陵陽袖披雲望九重

如姬寢卧內班婕妤一作妾坐同車洪波陪飲帳林光宴秦餘歲

暮寒颺及秋水落芙蓉子瑕矯後駕安陵泣前魚賤妾終已  
矣一作賤妾君子定焉如恩已畢

同前

唐李白

中山孺子妾特以色見珍雖不如延年妹亦是當時絕世人  
桃李出深井花豔驚上春一貴復一賤關天豈由身芙蓉老  
秋霜團扇羞網塵戚姬髡削入春市萬古共悲辛

臨江王節士歌

陸厥

木葉下江波連秋月照浦雲歇山秋思不可裁復帶秋風來秋風  
來已寒白露驚羅紈節士慷慨髮衝冠彎弓挂若木長劍竦雲端

同前

李白

洞庭白波木葉稀鷺鴻始入吳雲飛吳雲寒鷺鴻苦風號沙  
宿瀟湘浦節士感秋淚如雨白日當天心照之可以事明主  
壯士憤雄風生安得倚天劍跨海斬長鯨

行幸甘泉宮

梁簡文帝

漢書曰武帝太始三年正月行幸甘泉宮成帝  
永始四年正月行幸甘泉揚雄甘泉賦曰迺命  
羣僚曆吉日協靈辰星陳而天行乘輿登夫鳳  
皇兮而翳華芝駟蒼螭兮六素虬劉歆甘泉宮  
賦曰軼陵陰之地室過陽谷之秋城回天門而

漢書詩集八十四

六

聖

鳳舉躡黃帝之明庭冠高山而為居乘崑崙而  
為宮王褒甘泉宮頌曰甘泉山天下顯敞之名  
處也前接大荆後臨北極左撫仁鄉右望素域  
其為宮室也仍截薛而為觀攘抗岸以為階覽  
除閣之麗美覺堂殿之巍巍按劉孝威歌辭云  
避暑甘泉宮蓋與上之回同意

雉歸海水寂裘來重譯通吉行五十里隨處宿離宮鼓聲恒  
入地塵飛上暗空赦書隨豹尾太史逐相風銅鳴周國旌旗  
曳楚雲虹倖臣射覆罷從騎新歌終董桃拜金紫賢妻侍禁  
中不羨神仙侶排煙逐駕鴻

梁劉孝威

漢家迎夏畢避暑甘泉宮機車鳴里鼓駟馬駕相風校尉烏  
九騎待制樓煩宮後旌遊五柝前笳度九峻才人豹尾內御



酒屬車中輦回百子閣扇動七輪風鳴鐘休衛士披圖召後  
官材官促校獵秋來一作秋戲射熊

### 烏孫公主歌

漢書西域傳曰武帝元封中遣江都王建女細  
君爲公主以妻烏孫王昆莫公主至其國自治  
宮室居歲時一冉與昆莫會置酒飲食昆莫年  
老言語不通公主悲乃自作歌

吾家嫁我兮天一方遠託異國兮烏孫王穹廬爲室兮旃爲  
牆以肉爲食兮酪爲漿居常土思兮心內傷願爲黃鵠兮歸  
故鄉

### 匈奴歌

十道志曰焉支祁連二山皆美水草匈奴失之  
乃作此歌漢書曰元狩二年春霍去病將萬騎

樂府詩集八十四

七

黃帝

出隴西討匈奴過焉支山千有餘里其夏又攻  
祁連山捕首虜甚多祁連山即天山匈奴呼天  
爲祁連故曰祁連山焉支山即燕支山也

失我焉支山令我婦女無顏色失我祁連山使我六畜不蕃息

### 驪駒歌

### 古辭

漢書儒林曰王式除爲博士既至舍中會諸大  
夫共持酒肉勞式皆注意高仰之博士江公心  
嫉式謂歌吹諸生曰歌驪駒式曰聞之於師客  
歌驪駒主人歌客毋庸歸今日諸君爲主人日  
尚早未可也驪駒者客欲去歌之故式以爲言也

驪駒在門僕夫具存驪駒在路僕夫整駕

### 離歌

晨行梓道中梓葉相切磨與君別交中繡如新縑羅裂之有

餘絲吐之無還期

瓠子歌二首

漢武帝

史記河渠書曰漢武帝既封禪乃使汲仁郭昌發卒數萬人塞瓠子決河於是天子已用事萬里沙還自臨決河沈白馬玉璧令羣臣從官自將軍已下皆負薪實決河是時東郡以故薪柴少而下淇園之竹以爲楨天子既臨河決悼功之不成乃作歌二章於是卒塞瓠子築宮其上

曰宣房宮

瓠子決兮將柰何浩浩洋洋兮慮殫爲河殫爲河兮地不得寧功無已時兮吾山平吾山平兮鉅野溢魚弗鬱兮柏冬日正道弛兮離常流蛟龍騁兮方遠遊歸舊川兮神哉沛不封禪兮安知外爲我謂河伯兮何不仁泛濫不止兮愁吾人齧

樂府詩集卷八十四

八

明

桑浮兮淮泗滿久不反兮水維緩

河湯湯兮激潏潏北渡回兮迅流難舉長菱兮湛美王河伯許兮薪不屬薪不屬兮衛人罪燒蕭條兮噫乎何以禦水隲林竹兮楨石菑宣防塞兮萬福來

李陵歌

漢書曰昭帝即位數年匈奴與漢和親漢使求蘇武等單于許武還李陵置酒賀武曰異域之人一別長絕因起舞而歌陵泣下數行遂與武決徑萬里兮度沙漠爲君將兮奮匈奴路窮絕兮矢刃摧士衆滅兮名已隕老母已死雖報恩將安歸

廣川王歌二首

漢書曰廣川王去繆王齊太子也有幸姬王昭平王地餘許以爲后後皆殺之更立陽城昭信

景武之屬富顯於世隋書樂志曰漢樂有黃門  
鼓吹天子宴羣臣之所用也

佳人俱絕世握手入春樓點黛方初月縫裙學石榴君王入  
朝罷爭競理衣裳

樂府詩集卷第八十四

何益日崔嵬時不再願棄軀死無悔

牢石歌

漢書佞幸傳曰元帝時石顯為中書令與僕射  
牢梁少府五鹿充宗結為黨友諸附倚者皆得  
寵位而民歌之言其兼官據勢也

牢邪石邪五鹿客邪印何累累綬若若邪

黃鵠歌

漢昭帝

西京雜記曰始元元年黃鵠下太液池帝為此  
歌按清商吳聲曲有黃鵠歌與此不同

黃鵠飛兮下建章羽肅肅兮行踰踰金為衣兮菊為裳  
唼唼荷荇出入蒹葭自顧菲薄愧爾嘉祥

黃門倡歌

漢書禮樂志曰成帝時鄭聲尤甚黃門名倡丙疆

景武之屬富顯於世隋書樂志曰漢樂有黃門  
鼓吹天子宴羣臣之所用也

佳人俱絕世握手春樓點黛方初月縫裙學石榴君王入  
朝罷爭競理衣裘

樂府詩集卷第八十四

樂府詩集卷第八十五

太原郭

茂倩

編次

雜歌謠辭

歌辭

五侯歌

漢書曰成帝河平二年悉封舅大將軍王鳳庶弟譚為平阿侯商成都侯立紅陽侯根曲陽侯逢時高平侯五人同日封故世謂之五侯時五侯羣弟爭為奢侈後庭姬妾各數十人羅鐘磬舞鄭女作優倡狗馬馳逐大治第室起土山漸臺洞門高廊閣道連屬彌望百姓歌之言其奢僭如此按傳稱成都侯穿長安城引內灃水注第中大陂曲陽侯第園中土山漸臺類白虎殿

樂府詩集八十五

王亮

則穿城引水非曲陽與歌辭不同高都外杜皆長安里名

五侯初起曲陽最怒壞決高都連竟外杜土山漸臺西白虎上郡歌

漢書曰成帝時馮野王為上郡太守其後弟立亦自五原徙西河上郡立居職公廉治行略與野王相似而多知有恩貸好為條教吏民嘉美野王立相代為太守乃歌之云

大馮君小馮君兄弟繼踵相因循聰明賢知惠吏民政如魯衛德化鈞周公康叔猶二君

燕王歌

漢書曰燕刺王且武帝第四子也昭帝時謀事不成妖祥數見燕倉知其謀告之由是發覺王

憂懣置酒萬載宮會賓客羣臣妃妾坐飲王自  
歌華容夫人起舞坐者皆泣王遂自殺

歸空城兮狗不吠雞不鳴橫術何廣廣兮固知國中之無人  
華容夫人歌

髮紛紛兮寘渠骨籍籍兮亡居母求死子兮妻求死夫裴回  
兩渠間兮君子獨安居

### 廣陵王歌

漢書曰廣陵厲王胥武帝第五子也昭帝時胥  
見帝年少無子有覬欲心迎女巫李女須使下  
神祝詛宣帝即位祝詛事發覺胥置酒顯陽殿  
召太子霸及子女董言胡生等夜飲使所幸八  
子郭昭君家人子趙左君等鼓瑟歌舞王自歌  
左右悉涕泣奏酒至雞鳴時罷

樂府詩集八十五

二

三五

欲久生兮無終長不樂兮安窮奉天期兮不得須臾千里馬  
兮駐待路黃泉下兮幽深人生要死何爲苦心何用爲樂心  
所喜出入無惊爲樂亟蒿里召兮郭門閱死不得取代庸身

### 自逝

### 鮑司隸歌

樂府廣題曰列異傳云鮑宣宣子永永子昱三  
世皆爲司隸而乘一驄馬京師人歌之

鮑氏驄三人司隸再入公馬雖瘦行步工

### 五噫歌

三輔決錄曰梁鴻東出關過京師作五噫之歌  
肅宗聞而悲之求鴻不得

陟彼北邙兮噫顧瞻帝京兮噫宮闕崔嵬兮噫民之劬勞兮  
噫遼遼未央兮噫

董少平歌

後漢書曰董宣字少平光武時為洛陽令搏擊豪彊京師號為卧虎而歌之云

抱鼓不鳴董少平

張君歌

後漢書曰張堪為漁陽太守捕擊姦猾賞罰必信吏民皆樂為用乃於狐奴開稻田八千餘頃勸民耕種以致殷富百姓歌之

桑無附枝麥穗兩岐張君為政樂不可支

廉叔度歌

後漢書曰廉范字叔度建初中為蜀郡太守成都民物豐衍邑宇逼側舊制禁民夜作以防火災而更相隱蔽燒者日屬范乃毀削先令但嚴使儲水而已百姓為便乃歌之云

樂府詩集八十五

三

本詩

廉叔度來何暮不火禁民安作平生無襦今五袴

范史雲歌

後漢書曰范冉字史雲相帝時為萊蕪長遭母喪不到官後於梁沛閒徒行敝服賣卜於市遭黨人禁錮遂推鹿車載妻子捃拾自資或寓息客廬或依宿樹陰如此十餘年乃治草堂而居焉所止單漏有時絕粒間里歌之及黨禁解為三府所辟乃應司空命冉或作丹

甑中生塵范史雲釜中生魚范萊蕪

岑君歌

後漢書曰岑熙為魏郡太守招聘隱逸與參政事無為而化視事二年與人歌之

我有枳棘岑君伐之我有蝨賊岑君遇之狗吠不驚足下生  
鼂舍哺鼓腹焉知凶災我喜我生獨丁斯時美矣岑君於戲  
休茲

皇甫嵩歌

後漢書曰皇甫嵩為冀州牧請冀州一年田租  
以贍飢民百姓歌之

天下大亂兮市為墟母不保子兮妻失夫賴得皇甫兮復安

郭喬卿歌

後漢書曰郭賀字喬卿建武中為尚書令在職  
六年拜荊州刺史到官有殊政百姓歌之顯宗  
巡狩到南陽特見嗟賞賜以三公之服敕行如  
去襜帷使百姓見其容服以章有德

厥德仁明郭喬卿中正朝廷上下平

樂府詩集卷十五

四

李岳

賈父歌

後漢書曰中平元年交趾屯兵執刺史及合浦  
太守自稱柱天將軍靈帝敕三府精選能吏有  
司舉賈琮為交趾刺史琮到部即移書告示各  
使安其資業百姓為之歌

賈父來晚使我先反今見清平吏不敢飯

朱暉歌

東觀漢記曰朱暉字文季再遷臨淮太守吏民  
畏愛而為之歌

疆直自遂南陽朱季吏畏其威民懷其惠

劉君歌

後漢書曰劉陶舉孝廉除順陽長縣多姦猾陶  
到官按發若神以病免吏民思而歌之



邑然不樂思我劉君何時復來安此下民

洛陽令歌

長沙耆舊傳曰祝良字石卿爲洛陽令歲時亢旱天子祈雨不得良乃暴身階庭告誡引罪自晨至中紫雲沓起甘雨登降人爲之歌

天久不雨蒸人失所天王自出祝令特苦精符感應滂沱下雨

滎陽令歌

殷氏世傳曰殷襄爲滎陽令廣築學館會集朋徒民知禮讓乃歌之云

滎陽令有異政脩立學校人易性令我子弟恥訟爭

徐聖通歌

會稽典錄曰徐弘字聖通爲汝陰令誅鉏菽築道不拾遺民乃歌之

樂府詩集八十五

二

李岳

徐聖通政無雙平刑罰姦宄空

王世容歌

吳錄曰王鐔字世容爲武城令民服德化宿惡奔迸父老歌之

王世容政無雙省徭役盜賊空

晉高祖歌

晉陽秋曰高祖伐公孫淵過故鄉賜牛酒穀帛會父老故舊飲讌高祖作歌

天地開闢日月重光遭逢際會奉辭遐方將掃逋穢還過故鄉肅清萬里摠齊八荒告誡歸老待罪武陽

徐州歌

晉書曰王祥隱居廬江三十餘年不應州郡之命後徐州刺史呂虔檄爲別駕固辭不受弟覽

爲具車牛處乃召祥委以州事于時寇盜充斥  
祥率勵兵士頻討破之州界清靜政化大行時  
人歌之

海沂之康實賴王祥邦國不空別駕之功

### 東哲歌

晉書曰東哲陽平元城人太康中郡界大旱哲  
爲邑人請雨三日而雨注衆謂哲誠感而爲作歌  
東先生通神明請天三日甘雨零我黍以育我稷以生何以  
疇之報東長生

### 豫州歌

晉書曰祖逖爲豫州刺史躬自儉約督課農桑  
克已務施不畜資產子弟耕耘負擔樵薪又收  
葬枯骨爲之祭醊百姓感悅嘗置酒大會耆老  
中坐流涕曰吾等老矣更得父母死將何恨乃  
作此歌其得人心如此

樂府詩集八十五

本詩

幸哉遺黎免俘虜三辰旣朗遇慈父玄酒忘勞甘瓠脯何以  
詠思歌且舞

### 應詹歌

晉書曰王澄爲荊州牧應詹督南平天門武陵  
三郡軍事天下大亂詹境獨全百姓歌之

亂離旣普殆爲灰朽僥倖之運賴茲應后歲寒不凋孤境獨  
守拯我塗炭惠隆丘阜潤同江海恩猶父母

### 吳人歌

晉書曰鄧攸爲吳郡守載米之官俸祿無所受  
唯飲吳水而已及去郡百姓數千人留牽攸船  
不得進乃以小舟夜中發去吳人歌之

統如打五鼓雞鳴天欲曙鄧侯挽不來謝令推不去

并州歌

樂府廣題曰晉汲桑力能扛鼎呼吸聞數里殘  
忍少恩六月盛暑重裘累茵使人扇之忽不清  
涼便斬扇者并州大姓田蘭薄盛斬於平原士  
女慶賀奔走道路而歌之

士為將軍何可羞六月重茵披豹裘不識寒暑斷他頭雄兒  
田蘭為報仇中夜斬首謝并州

隴上歌

晉書載記曰劉曜圍陳安于隴城安敗南走陝  
中曜使將軍平先丘中伯率勁騎追安安與壯  
士十餘騎於陝中格戰安左手奮七尺大刀右  
手執丈八蛇矛近交則刀矛俱發輒害五六遠

樂府詩集卷八十五

則雙帶鞬服左右馳射而走平先亦壯健絕人  
與安搏戰三交奪其蛇矛而退遂追斬于澗曲  
安善於撫接吉凶夷險與眾同之及其死隴上  
為之歌曜聞而嘉傷命樂府歌之

隴上壯士一作隴上健兒有陳安軀幹雖小腹中寬愛養將士同心  
肝驍驄父馬鐵瑕鞍七尺大刀奮如湍丈八蛇矛左右盤十  
盪十決無當前戰始三交失蛇矛棄我驍驄竄巖幽為我外  
援而懸頭西流之水東流河一去不還柰子何

司馬將軍歌

唐李白

司馬將軍歌李白所作以代隴上健兒陳安  
狂風吹古月竊弄章華臺北落明星動光彩南征猛將如雲  
雷手中電曳倚天劍直斬長鯨海水開我見樓船壯心目頗  
似龍驤下三蜀揚兵習戰張虎旗江中白浪如銀屋身居玉

帳臨河魁紫髯若戟冠崔嵬細柳開營揖天子始知灞上爲  
嬰孩羌笛橫吹阿鞞回向月樓中吹落梅將軍自起舞長劍  
壯士呼聲動九垓功成獻凱見明主丹青畫像麒麟臺

鄭櫻桃歌

唐李頎

晉書載記曰石季龍勒之從子也性殘忍勒爲  
聘將軍郭榮之妹爲妻季龍寵惑優僮鄭櫻桃  
而殺郭氏更納清河崔氏櫻桃又譖而殺之櫻  
桃美麗擅寵宮掖樂府由是有鄭櫻桃歌

石季龍僭天祿擅雄豪美人姓鄭名櫻桃櫻桃美顏香且澤  
娥娥侍寢專宮掖後庭卷衣三萬人翠眉清鏡不得親官軍  
女騎一千疋繁花照耀漳河春織成花映紅輪巾紅旗掣曳  
鹵簿新鳴輦走馬接飛鳥銅欽琴瑟隨去塵鳳陽重門如意  
館百尺金梯倚銀漢自言富貴不可量女爲公主男爲王赤

續通志卷八十五

花雙簾珊瑚牀盤龍斗帳琥珀光淫昏僞位神所惡滅石者  
陵終不誤鄴城蒼蒼白露微世事翻覆黃雲飛

襄陽童兒歌

晉書曰山簡永嘉中鎮襄陽時四方寇亂朝野  
危懼簡優游卒歲唯酒是耽諸習氏荆土豪族  
有佳園池簡每出嬉游多之池上置酒輒醉名  
之曰高陽池於是童兒皆歌之有葛彊者簡之  
愛將家於并州故歌云舉鞭向葛彊何如并州兒  
山公出何許往至高陽池日夕倒載歸酩酊無所知時時能  
騎馬倒著白接羅舉鞭向葛彊何如并州兒

襄陽歌

李白

落日欲沒峴山西倒著接羅花下迷襄陽小兒齊拍手欄街  
爭唱白銅鞮傍人借問笑何事笑殺山公醉似泥鷓鴣杓鸚

鷓鴣杯百年三萬六千日一日須傾三百盃遙看漢水鴨頭綠  
恰似蒲桃初醱醅此江若變作春酒壘麴便築糟丘臺千金  
駿馬換少妾醉坐雕鞍歌落梅車傍側桂一壺酒鳳笙龍管  
行相催咸陽市上嘆黃犬何如月下傾金罍君不見晉朝羊  
公一片石一作一片古碑村龜龍剝落生莓苔亦不能爲之墮心  
亦不能爲之哀誰能憂彼身後事金鳧銀鴨葬死灰清風朗  
月不用一錢買玉山自倒非人推舒州杓力士鎗李白與爾  
同死生襄王雲雨今安在江水東流猿夜聲

襄陽曲四首

李白

襄陽行樂處歌舞白銅鞮江城回渌水花月使人迷  
山公醉酒時酩酊襄陽下頭上白接籬倒着還騎馬  
峴山臨漢江水淶沙如雪一作木色如霜雪上有墮淚碑青苔久磨滅  
且醉習家池莫看墮淚碑山公欲上馬笑殺襄陽兒

樂府詩集八十五

九

文

蘇小小歌

古辭

一曰錢塘蘇小小歌樂府廣題曰蘇小小錢塘  
名倡也蓋南齊時人西陵在錢塘江之西歌云  
西陵松柏下是也

我乘油壁車郎乘青驄馬何處結同心西陵松柏下

同前

唐李賀

幽蘭露如啼眼無物結同心煙花不堪翦草如茵松如蓋風  
爲裳水爲珮油壁車久相待冷翠燭勞光彩西陵下風吹雨

同前

唐温庭筠

買蓮莫破券買酒莫解金酒裏春容抱離恨水中蓮子懷芳  
心吳宮女兒腰似束家在錢塘小江曲一自檀郎逐便風門  
前春水年年綠

同前三首

唐張祜

車輪不可遮馬足不可絆長怨十字街使郎心四散  
新人千里去故人千里來剪刀橫眼底方覺淚難裁  
登山不愁峻涉海不愁深中擘庭前棗教郎見赤心

河中之水歌

梁武帝

河中之水向東流洛陽女兒名莫愁莫愁十三能織綺十四  
採桑南陌頭十五嫁爲盧郎婦十六生兒似阿侯盧家蘭室  
桂爲梁中有鬱金蘇合香頭上金釵十二行足下絲履五文  
章珊瑚挂鏡爛生光一作生輝光平頭奴子擎履箱人生富貴何  
所望恨不早嫁東家王

樂府詩集卷第八十五

樂府詩集卷第八十六

太原郭 茂倩 編次

新歌謠辭

歌辭

中興歌十首

宋鮑照

千冬逢一春萬夜視朝日生年值中興歡起百年畢  
中興太平運化清四海樂祥景照玉臺紫煙遊鳳閣  
碧樓含夜月紫殿爭朝光綵墀散蘭麝風起自生芳  
白日照前窓玲瓏綺羅中美人掩輕扇含思歌春風  
三五容色滿四五妙華歇已輸春日歡分隨秋光沒  
北出湖邊戲前還苑中遊飛穀繞長松馳管逐波流  
九月秋水清三月春花滋千金逐良日皆競中興時  
窮泰已有分壽夭復屬天既見中興樂莫持憂自煎

樂府詩集八十六

金永

襄陽是小地壽陽非帝城今日中興樂遙治在上京  
梅花一時豔竹葉千年色願君松柏心採照無窮極

勞歌二首

宋伍緝之

莊子曰勞我以生佚我以老息我以死韓詩曰  
飢者歌食勞者歌事若伍緝之云連遭已窮極  
又云居身苦且危則勞生可知矣

幼童輕歲月謂言可久長一朝見零悴嘆息向秋霜連遭已  
窮極疾病復不康每恐先朝露不見白日光廢及盛年時暫  
遂情所望吉辰既乖越來期眇未央促促歲月盡窮年空  
怨傷

女蘿依附松終已冠高枝浮萍生託水至死不枯萎傷哉抱  
關士獨無松與期月色似冬草居身苦且危幽生重泉下窮  
年冰與澌多謝負郭生無所事六奇勞為社下宰時無魏

無知

同前

周蕭撫

百年能幾許公事罷平生寄言任立政誰憐李少卿

白日歌

齊張融

張融歌序曰懸象著明莫大於日月而彼日月不能不謝固知無準衰為盛之終盛乃衰之始故為白日歌

白日白日舒天照暉數窮則盡盛滿而衰

雲歌

梁王臺卿

玉雲初度色金風送影來全生疑魄暗半去月時開欲知無處所一為上陽臺

一旦歌

一旦被頭痛避頭還着牀自無親伴侶誰當給水漿匍匐入

樂府詩集八十六

二

余來

山院正逢虎與狼對虎低頭啼垂淚淚千行

滎豫歌二首

鄴道元水經注曰白帝山城水門之西江中有孤石名滎豫石水冬出二十餘丈夏則沒亦有裁出焉江水東逕廣峽溪乃三峽首之也峽中有瞿塘黃龕二灘夏水回復泌沂所忌十道志曰滎豫石與城郭門外石潛通蜀人往燒火伏石則滎預邊沸國史補曰蜀之三峽最號峻急四月五月尤險故行者歌之滎或作

灑預或作豫

灑預大如馬瞿塘不可下

灑預大如牛瞿塘不可流

同前

梁簡文帝



淫預大如服瞿塘不可觸金沙浮轉多桂浦忌經過

巴東三峽歌二首

酈道元水經注曰巴東三峽謂廣溪峽巫峽西陵峽也三峽七百里中兩岸連山略無闕處重巖疊嶂隱蔽天日非亭午夜分不見日月其中有灘名曰黃牛江湍紆回信宿猶見故行者謠曰朝發黃牛暮宿黃牛三日三暮黃牛如故且都山川記曰自黃牛灘東入西陵界至峽口一百許里山水紆曲林木高茂猿鳴至清山谷傳響泠泠不絕行者聞之莫不懷土故漁者歌云

巴東三峽巫峽長猿鳴三聲淚沾裳

巴東三峽猿鳴悲猿鳴三聲淚沾衣

挾琴歌

梁范靜妻沈氏

樂府詩集八十六

三

逶迤起塵唱宛轉遠梁聲調弦可以進娥眉畫未成

挾瑟歌

北齊魏收

春風宛轉入曲房兼送小苑百花香白馬金鞍去未返紅妝玉筋下成行

同前

唐陸龜蒙

挾瑟為君撫君嫌聲太古寥寥倚浪絲嗒嗒沈湘語賴有秋風知清冷次玉桂

鄱陽歌二首

南史曰梁陸襄為鄱陽內史大同初郡人鮮二琮結同徒殺廣晉令王筠有眾萬餘人將出郡襄先已率人吏脩城隍為備及賊至破之生獲琮時鄰郡守宰察其黨與皆不得實或有其人盡室罹禍唯襄郡枉直無濫民乃作歌又有

彭李二家因忿爭相誣告襄引入內室不加責  
謂但和言解喻之二人感恩深自悔咎乃為設  
酒食令其盡歡酒罷同載而還因相親厚民因  
歌之

鮮于抄後善惡分人無橫死賴陸君  
陸君政無怨家鬪既罷讎共車

### 北軍歌

南史曰梁臨川靜惠王宏為揚州刺史天監中  
武帝詔都督諸軍侵魏宏以帝之介弟所領皆  
器甲精新軍容甚盛北人以為百數十年所未  
之有軍次洛口前軍尅梁城諸將欲乘勝深入  
宏聞魏接近畏懦不敢進召諸將欲議旋師呂  
僧珍曰知難而退不亦善乎停軍不進魏人知

樂府詩集八十六

四

舊唐

其不武遺以巾幗北軍乃歌之歌云韋武謂韋  
叡也

不畏蕭娘與呂姥但畏合肥有韋武

### 雍州歌

南史曰梁南平王偉子恪為雍州刺史年少去  
閑廢務委之羣下百姓每通一辭數處輸錢方  
得聞徹賓客有江仲舉蔡遠王臺卿庾仲容四  
人俱被接遇並有蓄積民間歌之後達武帝帝  
因接末句云

江千萬蔡五百王新車庾大宅七人憤憤不如客

### 始興王歌

南史曰梁始興忠武王憺為都督荊州刺史時  
天監初軍旅之後公私匱乏憺厲精為政廣

屯田減省力役供其窮困辭訟者皆立待符教  
決於俄頃曹無留事下無滯獄後徵還朝而民  
歌之荆土方言謂父謂爹故歌云人之爹也

始興王人之爹赴人急如水火何時復來哺乳我

### 夏侯歌

梁書曰夏侯夔為豫州刺史於蒼陵立堰溉田  
千餘頃境內賴之夔兄亶先居此任兄弟並有  
恩惠百姓歌之夔在州七年遠近多親附

我之有州賴彼夏侯前兄後弟布政優優

### 咸陽王歌

北史曰後魏咸陽王禧謀逆伏誅後宮人為之  
歌其歌遂流於江表

可憐咸陽王奈何作事悞金牀玉几不能眠夜起踏霜露洛

樂府詩集八十六

五

李補

水湛湛彌岸長行人那得度

### 鄭公歌

北史曰後魏鄭述祖為兗州刺史有人入市盜  
布其父執之以歸述祖述祖特原之自是境內  
無盜先是述祖之父道昭亦嘗為兗州刺史故  
百姓歌之

大鄭公小鄭公相去五十載風教尚猶同

### 裴公歌

北史曰裴俠為河北郡守躬履儉素愛民如子  
郡舊有漁獵夫三十人以供郡守俠曰以口腹  
役人吾所不為也悉罷之又有丁三十人供  
守役俠亦罷之不以入私竝收庸為市官為  
時既積馬遂成羣去職之日一無所取

之云

肥鮮不食丁庸不取裴公貞惠為世規矩

### 長白山歌

北史曰來整榮國公護之子也尤驍勇善撫御  
討擊羣賊所向皆捷諸賊歌之

長白山頭百戰場十五五把長槍不畏官軍千萬眾只怕  
榮公第六郎

### 敕勒歌

樂府廣題曰北齊神武攻周玉壁士卒死者十  
四五神武恚憤疾發周王下令曰高歡鼠子親  
犯玉壁劔弩一發元凶自斃神武聞之勉坐以  
安士眾悉引諸貴使斛律金唱敕勒神武自和  
之其歌本鮮卑語易為齊言故其句長短不齊

樂府詩集八十九

六

敕勒川陰山下天似穹廬籠蓋四野天蒼蒼野茫茫風吹草  
低見牛羊

同前

唐温庭筠

敕勒金墳壁陰山無歲華帳外風飄雪營前月照沙羌兒  
玉管胡姬踏錦花却笑江南客梅落不歸家

### 東征歌

隋王通

杜淹文中子世家曰隋仁壽中文中子西遊  
安見文帝奏太平十有二策帝下其議於公卿  
公卿不悅文中子知謀之不用作東征之歌而  
歸帝聞而再徵之不至

我思國家兮遠遊京畿忽逢帝王兮降禮布衣遂懷古人之  
心兮將興太平之基時異事變兮志乖願違吁嗟道之不行  
兮垂翅東歸皇之不斷兮將身西飛

薛將軍歌

唐書曰高宗時薛仁貴領兵擊九姓突厥於天山時九姓有衆十餘萬今驍健數十人逆來挑戰仁貴發三矢射殺三人自餘一時下馬請降仁貴恐為後患並坑殺之九姓自此衰弱不復更為邊患於是軍中歌之

將軍三箭定天山戰士長歌入漢關

顏有道歌

唐書曰顏遊秦師古叔父武德初為廉州刺史時劉黑闥初平人多以疆暴寡禮風俗未安遊秦撫恤境內訖讓大行邑里歌之高祖璽書勉勞焉

廉州顏有道 姓行同莊老愛人如赤子不殺非時草

樂府詩集八十六

七

玉珂

新河歌

唐書曰薛大鼎貞觀中為滄州刺史州界有無棣河隋末填廢大鼎奏開之引魚鹽於海百姓歌之

新河得通舟楫利直達滄海魚鹽至昔日徒行今結駟美哉薛公德滂被

田使君歌

唐書曰田仁會永徽中為郢州刺史屬時旱仁會自曝祈禱竟獲甘澤其年大稔百姓歌之

父母育我田使君精誠為人上天聞田中致雨山出雲倉庫既實禮義申坦順常在不憂貧

黃麈歌

唐書五行志曰如意初里中歌黃麈後契丹李

盡忠孫萬榮叛陷營州則天令摠管曹仁師王  
孝傑等將兵百萬討之大敗於碓石黃麐谷而  
死朝廷嘉其忠為造此曲後亦為舞曲

黃麐黃麐草裏藏彎弓射爾傷

### 得休歌

唐書曰天寶初韋堅為陝郡太守水陸轉運使  
於長安城東漕水傍穿廣運潭以通吳會數十  
郡舟楫若廣陵郡船即堆積廣陵所出錦鏡銅  
器餘郡皆然舟人大笠寬衫芒屨如吳楚之製  
先是民間戲唱得休歌至開元末田同秀上言  
見立元皇帝云有寶符在陝州桃林縣古關令  
尹喜宅遣中使求得之以為殊祥改縣為靈寶  
及堅鑿新潭成又致揚州銅器陝縣尉崔成甫

樂府詩集卷六

八

二五

乃翻此詞為得寶歌集兩縣官伎女子唱之成  
甫又作歌詞十章自衣缺膝綠衫錦半臂偏袒  
膊紅抹額於第一船作號頭唱之和者女子百  
人皆鮮服靚妝齊聲接鼙鼓笛胡部以應之樂  
府雜錄曰得寶歌一曰得寶子又曰得鞞子明  
皇初得太真妃喜而謂後宮曰予得楊氏如得  
至寶樂府遂作此曲二說不同

得休紇那也紇囊得休耶潭裏船東開揚州銅器多三  
殿坐看唱得休歌

得休歌

得寶弘農野以農得寶耶潭裏船東開揚州銅器多三  
殿坐看唱得寶歌

黃臺瓜辭

黃臺懷古

唐書曰高宗武后生四子長曰孝敬皇帝弘爲太子監國而仁明孝悌武后方圖臨朝乃殺孝敬立雍王賢爲太子賢曰懷憂惕知必不保全無由敢言乃作黃臺瓜辭命樂工歌之冀武后聞之感悟後終爲武后所逐死於黔中

種瓜黃臺下瓜熟子離離一摘使瓜好再摘令瓜稀三摘尚自可摘絕抱蔓歸

古歌

唐沈佺期

落葉流風向玉臺夜寒秋思洞房開水精簾外金波下雲母窗前銀漢迴玉階陰陰苔蘚色君王履綦難再得  
秋夜長繡戶徘徊秋月光燕姬綵帳芙蓉色秦子金爐蘭香北  
北斗七星橫夜半清歌一曲斷君腸

同前二首

唐薛維翰

樂府詩集八十六

美人怨何深含情倚金閣不嘖復不語紅淚雙雙落  
美人閉紅燭獨坐裁心錦頻放剪刀聲寒知未寢

樂府詩集卷第八十六

樂府詩集卷第八十七

太原郭 茂倩 編次

雜歌謠辭

歌辭

潁川歌

漢書曰灌夫不好文學喜任俠已然諾諸所與  
交通無非豪傑大猾家累數千萬食客日數十  
百人陂池田園宗族賓客為權利橫潁川潁川  
兒歌之

潁水清灌氏寧潁水濁灌氏族

庾公歌二首

晉書五行志曰庾亮初鎮武昌出至石頭百姓  
於岸上歌之後連徭不入及薨還都葬焉

樂府詩集卷八十七

全唐

庾公上武昌翩翩如飛鳥庾公還揚州白馬牽旒旒

庾公初上時翩翩如飛鳥庾公還揚州白馬牽流蘇

御路揚歌

宋書五行志曰晉海西公太和中民為此  
者金行馬者國族紫為奪正之色明以紫  
也海西公尋廢三子非海西子並縊以馬轡  
之明日南方獻甘露

青青御路揚白馬紫游韁汝非皇太子那得甘露漿

鳳皇歌

宋書五行志曰晉海西公生皇子百姓歌之其  
歌甚美其旨甚微海西公不男使左右向龍  
內侍撰生子以為已子

鳳皇生一雛天下莫不喜本言是馬駒今定成龍子



黃曇子歌

唐温庭筠

晉書五行志曰栢石民為荊州百姓忽歌黃曇子曲後石民死王忱為荊州之應黃曇子王忱字也按橫吹曲李延年二十八解有黃覃子不知與此同否凡歌辭考之與事不合者但因其聲而作歌爾

參差綠蒲短搖豔雲一作春塘滿紅激蕩融融鶯翁鷓鴣暖萋芊小城路馬上脩娥懶羅衫裊向風點粉金鷗卵

歷陽歌

晉書五行志曰庾楷鎮歷陽百姓歌之後楷南奔栢玄為玄所殺

重羅黎重羅黎使君南上無還時

苻堅時長安歌

樂府詩集卷十七

晉書載記曰苻堅既滅燕慕容冲姊偽清河公主年十四有殊色堅納之寵冠後庭冲年十二亦有龍陽之資堅又幸之姊弟專寵宮人莫進長安歌之咸懼為亂王猛切諫堅乃出冲後竟為冲所敗

一雌復一雄雙飛入紫宮

王子年歌二首

南史曰齊太祖高皇帝諱道成姓蕭氏未受命時王子年作此歌案穀中精細者稻也即道也熟猶成也金刀劉字刈猶剪也

欲知其姓草蕭蕭穀中最細低頭熟鱗身甲體永興福金刀利刃齊刈之

邯鄲郭公歌

樂府廣題曰北齊後主高緯雅好傀儡謂之郭公時人戲為郭公歌及將敗果營邯鄲高郭聲相近九十九末數也滕口鄧林也大兒謂周帝太祖子也高岡後主姓也雉雞類武成小字也後敗於鄧林盡如歌言蓋語妖也邯鄲郭公九十九技兩漸盡入滕口大兒緣高岡雉子東南走不信吾言時當看歲在酉

邯鄲郭公辭

唐温庭筠

金笳悲故曲玉座積深塵言是邯鄲伎不易鄴城人青苔竟埋骨紅粉自傷神唯有漳河柳還向舊營春

齊雲觀歌

隋書五行志曰陳後主造齊雲觀國人歌之功未畢而為隋師所虜

齊雲觀寇來無際畔

周宣帝歌

隋書五行志曰周宣帝與宮人夜中連臂踴躍而歌

自知身命促把燭夜行遊

謠辭

黃澤辭

穆天子傳曰天子東遊于黃澤使官樂謠云黃之施其馬歎沙皇人威儀皇之澤其馬歎玉皇人壽殷

白雲謠

穆天子傳曰天子觴西王母于瑤池之上西王母為天子謠天子荅之

白雲在天山陵自出道里悠遠山川間之將子無死向復

能來

穆天子謠

予歸東土和治諸夏萬民平均吾顧見汝比及三年將復而野

越謠歌

古辭

君乘車我帶笠它日相逢下車揖君檐簷我跨馬它日相逢為君下

長安謠

漢書佞倖傳曰成帝初石顯與妻子徙歸故鄉其黨牢梁陳順皆免官諸所交結以顯為官皆廢罷少府五鹿充宗左遷立菟太守御史中丞伊嘉為鴈門都尉長安謠云

伊徙鴈鹿徙兔去牢與陳實無價

樂府詩集八十七

四

余亦

城中謠

後漢書曰前世長安城中謠言改政移風必有其本上之所好下必甚焉

城中好高髻四方高一尺城中好廣眉四方且半額城中好大袖四方全匹帛

會稽童謠

後漢書曰張霸永元中為會稽太守時賊未解郡界不寧乃移書開購明用信賞賊遂束手歸附不煩士卒之力於是有童謠

桑我戟捐我矛盜賊盡吏皆休

鄧謠

後漢書曰汝南太守宗資任功曹孟博汝南陽太守成瑨亦委功曹岑暉范滂岑孟博岑暉字

孝二郡為謠

汝南太守范孟博南陽宗資主畫諾南陽太守岑公孝弘農成瑨但坐嘯

京兆謠

續漢書曰李燮拜京兆詔發西園錢燮上封事遂止不發吏民愛敬乃為此謠

我府君道教舉恩如春威如虎剛不吐弱不茹愛如母訓如父

後漢栢靈時謠

後漢書曰栢靈之世更相濫舉人為之謠舉秀才不知書察孝廉父別居

吳謠

吳志曰周瑜少精意於音樂雖三爵之後其有

樂府詩集八下

五

余

闕誤瑜必知之知之必顧故時人謠云

曲有誤周郎顧

晉泰始中謠

晉書曰泰始中人為賈充等謠言亡魏而成晉也

賈裴王亂紀綱王裴賈濟天下

閣道謠

晉書曰潘岳才名冠世為眾所疾後為河陽令而鬱鬱不得志時尚書僕射山濤領吏部王濟裴楷等並為帝所親遇岳內非之乃題閣道為謠

閣道東有大牛王濟鞅裴楷鞞和嶠刺促不得休

南土謠

王隱晉書曰杜預為鎮南大將軍都督荊州諸軍事南土美而謠之

後世無叛由杜翁孰識智名與勇功

宋時謠

南史曰宋時用人乖實有謠云

上車不落為著作體中何如作祕書

宋大明中謠

南史曰大明中有奚顯度者為員外散騎侍郎孝武嘗使主領人功而苛虐無道動加捶撻暑雨寒雪不聽暫休人不堪命或自經死時建康縣考囚或用方材壓額及踝脛故民間有此謠又相戲曰勿反顧付奚度其暴酷如此

寧得建康壓額不能受奚度拍

樂府詩集八十七

六

月

山陰謠

南史曰丘仲孚為山陰令居職甚有稱而百姓為此謠前世傳琰父子沈憲劉玄明相繼守山陰並有政績言仲孚皆過之也

二傅沈劉不如一丘

梁時童謠

南史曰臨賀郡王正德性凶慝其室傾既由正德百姓至聞臨賀郡名亦欲道其之如是故有童謠

寧逢五虎入市不欲見臨賀父子

曲堤謠

北史曰宋世良為清河太守才識明七曲堤術郡東南有曲堤羣盜所萃世良死

盜奔它境而民為此謠

曲堤雖險賊何益但有宋公自屏跡

趙郡謠

北史曰後魏李孝伯父曾道武時為趙郡太守  
今行禁止并州丁零數為山東害知曾能得百  
姓死力不敢入境賊於常山界得一死鹿賊長  
為趙郡地也責之還令送鹿故處其見憚如此  
郡人為之謠

詐作趙郡鹿猶勝常山粟

北齊太上時童謠

千金買藥園中有芙蓉樹破家不分明蓮子隨它去

獨酌謠四首

陳後主

陳後主序曰齊人淳于髡善為十酒賦

樂府詩集八十七

獨酌謠

獨酌謠獨酌且獨謠一酌豈陶暑二酌斷風飈三酌

四酌情無聊五酌孟易覆六酌懽欲調七酌累心六

志一作超九酌忘物我十酌忽凌霄凌霄異羽翬

飄寧學世人醉揚波去我遙爾非浮丘伯安見

獨酌謠獨酌起中宵中宵照春月初花發表

徘徊一罇一弦當夜開聊奏孫登曲仍對畢

翠轉遲回中心更如六疑志本同灰道

世清哉

獨酌謠

忽

獨酌謠

獨酌謠

吾樂非擊缶自在物外懽更齊椿菌久卷舒乃一卷忘情且  
十斗寧復語綺羅因情即山藪

同前

陳陸瑜

獨酌謠芳氣饒一傾蕩神慮再酌動神飈忽逢鳳樓下非待  
鸞弦招窻明影乘入人來香逆飄杯隨轉態盡釗逐畫杯搖  
桂宮非蜀郡當壚也至宵

同前

陳沈炯

獨酌謠獨酌謠獨酌獨長謠智者不我顧愚夫余不要不愚  
復不智誰當余見招所以成獨酌一酌一傾瓢生涯本漫漫  
神理暫超超再酌矜許史三酌傲松喬頻煩四五酌不覺凌  
丹霄倏爾馱五鼎俄然賤九韶彭殤無異葬夷跣可同朝龍  
蠖非不屈鵬鷄本逍遙寄語號呶侶無乃太塵囂

羈謠

孔仲智

樂府詩集八十七

八

時李

芳杜觴春酒髣髴傷山時徒歌不成樂空以羈自悲羈傷懷  
土心遽復還山路迨及春復時無使春光暮

筮篔謠

結交在相得骨肉何必親甘言無忠實世薄多蘇秦從風暫  
靡草富貴上昇天不見山巔樹摧扞下爲薪豈甘井中泥上  
出作埃塵

同前

唐李白

攀天莫登龍走山莫騎虎貴賤結交心不移唯有嚴陵及光  
武周公稱大聖管蔡寧相容漢謠一斗粟不與淮南春兄弟  
尚路人吾心安所從它人方寸間山海幾千重輕言託朋友  
對面九疑峯多花必早落桃李不如松管鮑久已死何人繼  
其蹤

玉漿泉謠

隋書曰豆盧勣為渭州刺史甚有惠政華夷悅服大致祥瑞鳥鼠山俗呼為高武隴其下渭水所出其山絕壁千尋由來乏水諸羌苦之勣馬足所踐忽飛泉涌出有白鳥翔止廳前孔子而後去民為之謠後因號其泉曰玉漿泉

鄴城童子謠

唐李賀

鄴城中暮塵起將黑力斫文吏棘為鞭虎為馬團團走鄴城下切玉劍射日弓獻何人奉相公扶轂來閣右兒香掃塗相公歸

唐天寶中京兆謠

唐書曰李峴為京兆尹甚著聲績天寶中連雨六十餘日宰臣楊國忠惡其不附已以兩災歸

樂府詩集八十七

九

後亦

京兆尹乃出為長沙太守時京師米麥踊貴百姓為之謠其為政得人心如此

欲得米麥賤無過追李峴

樂府詩集卷第八十七



樂府詩集卷第八十八

太原郭

茂倩

編次

雜歌謠辭

謠辭

堯時康衢童謠

列子曰堯治天下五十年不知天下之治與不治億兆之願戴已與不願戴已顧問左右外朝及在野皆不知也堯乃微服游於康衢聞童兒謠堯喜問曰誰教爾為此言童兒曰聞之大夫大夫曰古詩也堯還宮召舜因禪以天下舜不辭而受之

立我烝民莫匪爾極不識不知順帝之則

晉獻公時童謠

樂府詩集八十八

周彥

春秋左氏傳曰晉獻公伐虢圍下陽問於卜偃曰吾其濟乎偃以童謠對曰克之十月丙子且日在尾月在策鶉火中必是時也冬十二月丙子朔晉滅虢虢公醜奔京師漢書五行志曰周十二月夏十月也言天者以夏正

丙之晨龍尾伏辰杓服振振取虢之旂鶉之奔奔天策焯焯火中成軍虢公其奔

晉惠公時童謠

漢書五行志曰晉惠公賴秦力得立立而背秦內殺二大夫國人不說及更葬其兄恭大子申生而不斂故詩妖作也後與秦戰為秦所獲立十四年而死晉人絕之更立其兄重耳是為文公遂伯諸侯

恭太子更葬兮後十四年晉亦不昌昌乃在其兄

### 魯國童謠

漢書五行志曰左氏傳魯文成之世童謠也至昭公時有鸚鵡來巢公攻季氏敗出奔齊居外野次乾侯八年死于外歸葬魯昭公名裯公子宋立是為定公

鸚之鵠之公出辱之鸚鵠之羽公在外野往饋之馬鸚鵠鵠跌公在乾侯徭褻與襦鸚鵠之巢遠哉遙遙裯父喪勞宋父以驕鸚鵠鸚鵠往歌來哭

### 楚昭王時童謠

家語曰楚昭王渡江江中有物大如斗圓而赤直觸王舟舟人取之王大恠之遍問羣臣莫之能識王使使聘於魯問于孔子孔子曰此為萍

樂府詩集八十八

二

時率

實也可剖而食之吉祥也唯霸者為能獲焉使者反王遂食之大美久之使來以告魯大夫大夫因子游問曰夫子何以知其然曰吾昔之鄭過乎陳之野聞童謠此楚王之應也是以知之楚王渡江得萍實大如斗赤如日剖而食之甜如蜜

### 周末時童謠

家語曰齊有一足之鳥飛習於公朝下止於殿前舒翅而跳齊侯大恠之使使聘魯問於孔子孔子曰此鳥名曰商羊水祥也昔童兒有屈其一脚振訊兩眉而跳且謠今齊有之其應至矣急告民趨治溝渠脩隄防將有大水為災頃之大霖雨水溢泛諸國傷害民人唯齊有備不敗

### 天將大雨商羊鼓舞

漢元帝時童謠

漢書五行志曰元帝時童謠至成帝建始二年三月戊子北宮中井泉稍上溢出南流井水陰也竈煙陽也玉堂金門至尊之居象陰盛而滅陽竊有宮室之應也王莽生於元帝初元四年至成帝封侯為三公輔政因以篡位也

井水溢滅竈煙灌玉堂流金門

漢成帝時燕燕童謠

漢書五行志曰成帝時童謠後帝為微行出遊常與富平侯張放俱稱富平侯家人過陽阿主作樂見舞者趙飛鸞而幸之故曰燕燕尾涎涎美好貌也張公子謂富平侯也木門倉琅根為宮門銅鍍言將尊貴也後遂立為皇后與弟昭儀賊害後宮皇子卒皆伏辜所謂燕飛來啄皇孫皇孫死燕啄矢者也

燕燕尾涎涎張公子時相見木門倉琅根燕飛來啄皇孫死燕啄矢

漢成帝時歌謠

漢書五行志曰成帝時歌謠也桂赤色漢家象華不實無繼嗣也王莽自謂黃象黃爵巢其顛也

邪徑敗良田讒口亂善人桂樹華不實黃爵巢其顛故為人所羨今為人所憐

王莽時汝南童謠

漢書曰汝南舊有鴻隙大陂郡以為饒成帝時關東數水陂溢為害翟方進為相與御史大夫

孔光共遣掾行視以為決去陂水其地肥美省隄防費而無水憂遂奏罷之及翟氏滅鄉里歸惡言方進請陂下良田不得而奏罷陂王莽時常枯旱郡中追怨方進時有童謠子威方進字也

壞陂誰翟子威飯我豆食羹芋魁反乎覆陂當復誰云者兩黃鵠

### 更始時南陽童謠

後漢書五行志曰更始時南陽有童謠是時更始在長安世祖為大司馬平定河北更始大臣竝僭專權故謠妖作也後更始遂為赤眉所殺是更始之不諧在赤眉也世祖自河北興

諧不諧在赤眉不得在河北

### 後漢時蜀中童謠

後漢書五行志曰世祖建武六年蜀中童謠是時公孫述僭號於蜀時人竊言王莽稱黃述欲繼之故稱白五銖漢家貨明當復也述遂誅滅

黃牛白腹五銖當復

### 後漢順帝末京都童謠

後漢書五行志曰順帝之末京都童謠按順帝即世孝質短祚大將軍梁冀貪樹疏幼以為己功專國號令以瞻其私太尉李固以為清河王雅性聰明敦詩悅禮加又屬親立長則順置善則固而冀建白太后策免固徵蠡吾侯遂即至尊固是月幽斃于獄暴屍道路而太尉胡廣封安樂鄉侯司徒趙戒厨亭侯司空袁湯安國

亭侯

直如弦死道邊曲如鉤反封侯

後漢栢帝初小麥童謠

後漢書五行志曰栢帝之初天下童謠按元嘉中涼州諸羌一時俱反南入蜀漢東抄三輔延及并冀大為民害命將出衆每戰常負中國益發甲卒麥多委棄但有婦女獲刈之也吏買馬君具車者言調發重及有秩者也請為諸君鼓隴胡者不敢公言私咽語也

小麥青青大麥枯誰當獲者婦與姑丈人何在西擊胡吏買馬君具車請為諸君鼓隴胡

大麥行

唐杜甫

大麥乾枯小麥黃婦女行泣夫走藏東至集壁西梁洋問誰

樂府詩集卷六

五

沈敦

腰鎌胡與羌豈無蜀兵三千人部領辛苦江山長安得如鳥有羽翅託身白雲還故鄉

後漢栢帝初城上烏童謠

後漢書五行志曰栢帝之初京都童謠按此皆謂為凶貪也城上烏尾畢逋者處高利獨食不與下共謂人主多聚斂也公為吏子為徒者言蠻夷將畔逆父既為軍吏其子又為卒徒往擊之也一徒死百乘車者言前一人往討胡既死矣後又遣百乘車往車班班入河閒者言栢帝將崩乘輿班班入河閒迎靈帝也河閒姁女工數錢以錢為室金為堂者靈帝既立其母永樂太后好聚金以為堂也石上慊慊春黃梁言永樂唯積金錢慊慊常若不足吏人春黃梁而食

之也梁下有懸鼓我欲擊之丞卿怒者言永樂  
教靈帝使賣官受錢所祿非其人天下忠篤之  
士怨望欲擊懸鼓以求見丞卿主鼓者亦復諂  
順怒而止我也劉昭以爲此謠後驗竟爲靈帝  
作言一徒似斥相帝帝貴任羣閣參委機政左  
右前後莫非刑人有同囚徒之長故言寄一徒  
也且又弟則廢黜身無嗣塊然單獨非一而何  
百乘車者乃國之君解犢後徵正膺斯數繼以  
班班尤得以類焉解犢靈帝所封也

城上烏尾畢逋公爲吏子爲徒一徒死百乘車車班班入河  
閒河閒姁女工數錢以錢爲室金爲堂石上慊慊春黃梁梁  
下有懸鼓我欲擊之丞卿怒

後漢相帝初京都童謠

樂府詩集卷八

六

此歌

後漢五行志曰相帝之初京都童謠至延熹末  
鄧皇后以譴自殺乃以竇貴人代之其父名武  
字游平拜城門校尉及太后攝政爲大將軍與  
太傅陳蕃合心戮力惟德是建印綬所加咸得  
其人豪賢大姓皆絕望矣

游平賣印自有平不避豪賢及大姓

後漢相帝末京都童謠

後漢書五行志曰相帝之末京都童謠按解犢  
亭屬饒陽河閒縣也居無幾何而相帝崩使者  
與解犢侯皆白蓋車從河閒來延延衆貌是時  
御史劉儵建議立靈帝以儵爲侍中中常侍侯  
覽畏其親近必當閒已白拜儵泰山太守因令  
司隸迫促殺之朝廷少長思其功效乃拔用其

弟郃致位司徒此為合諧也劉昭按郡國志饒陽本屬涿後屬安平靈帝既是河間王曾孫謠言自是有徵無俟河間之縣為驗也

白蓋小車何延延河間來合諧河間來合諧

後漢靈帝末京都童謠

後漢書五行志曰靈帝之末京都童謠至中平六年少帝登躡至尊獻帝未有爵號為中常侍段珪等所執公卿百官皆隨其後到河上乃得來還此為非侯非王上北芒者也

侯非侯王非王千乘萬騎上北芒

後漢獻帝初童謠

後漢初五行志曰獻帝初童謠公孫瓚以為易地當之遂徙鎮焉乃修城積穀以待天下之變

建安三年袁紹攻瓚瓚大敗縊其姊妹妻子引火自焚紹兵趣登臺斬之初瓚破黃巾殺劉虞乘勝南下侵據齊地雄威大振而不能開廓遠圖欲以堅城觀時坐聽圍戮斯亦自易地而去世也

燕南垂趙北際中央不合大如礪唯有此中可避世

後漢獻帝初京都童謠

後漢書五行志曰獻帝元初京都童謠按千里草為董十日卜為卓凡別字之體皆從上起左右離合無有從下發端者也今二字如此者天意若曰卓自下摩上以臣陵君也青青暴盛之貌不得生者亦旋破亡也

千里草何青青十日卜不得生

魏明帝景初中童謠

宋書五行志曰魏明帝景初中童謠及宣王平遼東歸至白屋當還鎮長安會帝疾篤急召之乃乘追鋒車東渡河終翦魏室如童謠之言也阿公阿公駕馬車不意阿公東渡河阿公東還當柰何

魏齊王嘉平中謠

宋書五行志曰魏齊王嘉平中謠按朱虎者楚王彪小字也王陵令狐愚聞此謠謀立彪事發凌等伏誅彪賜死

白馬素羈西南馳其誰要者朱虎騎

吳孫亮初童謠

宋書五行志曰吳孫亮初童謠按楊子閣者反語石子堀也鈎絡鈎帶也及諸葛恪死果以葦

樂府詩集

席裹身篋束其腰投之石子堀後聽恪故吏收葬求之此堀云

吁汝恪何若若蘆葦單衣篋鈎絡於何相求楊子閣

吳孫亮初白鼉鳴童謠

宋書五行志曰吳孫亮初公安有白鼉鳴童謠按南郡城可長生者有急易以逃也明年諸葛恪敗弟融鎮公安亦見鼉融刮金印龜服之而死鼉有鱗介甲兵之象也

白鼉鳴龜背平南郡城中可長生守死不去義無成

白鼉鳴

唐張籍

天欲雨有東風南谿白鼉鳴窟中六月人家井無水夜聞白鼉人盡起

吳孫皓初童謠



宋書五行志曰吳孫皓初童謠按皓尋遷都武昌民泝流供給咸怨毒焉

寧飲建業水不食武昌魚寧還建業死不止武昌居

吳孫皓天紀中童謠

宋書五行志曰吳孫皓天紀中童謠晉武帝聞之加王濬龍驤將軍及征吳江西衆軍無過者而王濬先定秣陵

阿童復阿童銜刀游渡江不畏岸上虎但畏水中龍

晉武帝太康後童謠三首

宋書五行志曰晉武帝太康後江南童謠于時吳人皆謂在孫氏子孫故竊發爲亂者相繼按橫目者四字自吳亡至晉元帝興幾四十年皆如童謠之言元帝懦而少斷局縮肉直斥之也

樂府詩集八十八

九

于寶云不知所斥諱之也

局縮肉數橫目中國當敗吳當復

宮門柱且莫朽吳當復在三十年後

雞鳴不拊翼吳復不用力

晉惠帝永熙中童謠

晉書五行志曰惠帝永熙中童謠時楊駿專權楚王用事故言荆筆楊板二人不誅則君臣禮悖故三幾作驢也

二月末三月初荆筆楊板行詔書宮中人馬幾作驢

晉惠帝元康中京洛童謠二首

晉書五行志曰惠帝元康中京洛童謠南風賈后字也白晉行也沙門太子小字也魯賈謚國也言賈后將與謚爲亂以危太子而趙王因釁

咀嚼豪賢以成篡奪也按賈后傳有此謠云南風烈烈吹黃沙遙望魯國鬱嵯峨前至三月滅汝家與五行志所載不同其後賈謚既誅賈后尋亦廢死宋書五行志曰是時愍懷頗失衆望卒以廢黜不得其死焉

南風起吹白沙遙望魯國何嵯嵯千歲髑髏生齒牙

城東馬子莫隴啣比至來年纏汝髮

晉元康中洛中童謠

宋書五行志曰晉元康中趙王倫既篡洛中有童謠數月而齊王成都河間義兵同會誅倫按成都西蕃而在鄴故曰虎從北來齊東蕃而在許故曰龍從南來河間水匯而在關中故曰水從西來齊留輔政居宮西有無君之心故曰登

樂府詩集卷八十八

十

周州

城看也

虎從北來鼻頭汗龍從南來登城看水從西來何灌灌

晉惠帝時洛陽童謠

晉書曰惠帝時洛陽童謠明年而胡賊石勒劉羽反

鄴中女子莫千妖前至三月抱胡髻

晉惠帝大安中童謠

宋書五行志曰晉惠帝大安中童謠其後中原大亂宗蕃多絕唯琅邪汝南西陽南頓彭城同至江表而元帝嗣晉矣

五馬遊渡江一馬化爲龍

晉懷帝永嘉初謠

晉書五行志曰苟晞將破汲桑時有此謠司馬

越由是惡晞奪其兗州隙難遂樞焉按列傳東海孝獻王越字元超懷帝永嘉初出鎮許昌自許昌率苟晞及冀州刺史丁劭討汲桑破之越還于許長史潘滔說之曰兗州天下樞要公軍自牧乃轉苟晞爲青州刺史由是與晞有隙元超兄弟大洛度上桑打樵爲苟作

晉懷帝永嘉初童謠

晉書五行志曰司馬越還洛時童謠也按列傳越既與苟晞樞怨尋詔越爲丞相領兗州牧督兗豫司冀幽并六州越辭丞相不受自許遷于郵城移屯濮陽又遷于滎陽後自滎陽還洛帝紀曰永嘉三年三月丁巳東海王越歸京師是也洛中大鼠長尺二若不早去大狗至

晉永嘉中童謠

三十國春秋曰永嘉中童謠也

秦川中血沒腕唯有涼州倚柱觀

晉明帝太寧初童謠

晉書五行志曰明帝太寧初童謠及明帝崩成帝幼爲蘇峻所逼遷于石頭御膳不足此大馬死小馬餓也高山峻也言峻尋死石峻弟蘇石也峻死後石據石頭尋亦破此山崩石破之應也惻惻力力放馬山側大馬死小馬餓高山崩石自破

晉哀帝隆和初童謠

晉書五行志曰哀帝隆和初童謠朝廷聞而惡之改年曰興寧民復歌曰雖復改興寧亦復無聊生哀帝尋崩升平五年而穆帝崩不滿斗不

至十年也

升平不滿斗隆和那得久相公入石頭陛下徒跣走

晉太和末童謠

晉書五行志曰太和末童謠及海西公被廢百姓耕其門以種小麥遂如謠言

犁牛耕御路白門種小麥

晉孝武太元末京口謠

晉書五行志曰孝武帝太元末京口謠尋王恭起兵誅三國寶旋為劉牢之所敗故言拉颯棲也

黃雌雞莫作雄父啼一旦去毛衣衣被拉颯棲

樂府詩集卷第八十八



